




Plata dla Ploania Antermëia Sant'Antone Abat

UNITÉ PASTORALA



Ploan: siur Paul Campej
E-mail: campei.paul@rolmail.net

Calonia: 0474/520012
Siur Paul: 380 7345533

VAL BADIA
www.unitepastorala.org

Ann A

24.05.2020 - 31.05.2020 - GRAN FESTA
DL'ASCENSIUN DL SIGNUR - PALSACRUSC

n. 26

Anunziade la buna noela a döt l'monn!

📖 St.Ap 1, 1–11 | Ef 1, 17–23 | Ebr 9, 24–28; 10, 19–23 | Mt 28, 16–

Dal Vangele do San Mateo:

Te chël tēmp ¹⁶é i önesc discepui jüs tla Galilea sön chë munt che Gejù ti à dit. ¹⁷Y canch' ai à odü Gejù, s' ai inslenè dan da d' èl. Mo n valgügn dubitâ. ¹⁸Dailô ti é Gejù jü pormez y ti à dit: A mé m' èl dè dōta la potesté tl cil y söla tera. ¹⁹Por chël jide da düc i popui y fajede fora de dōta la jënt mi discepui; batiedi tl inom dl Pere y dl Fi y dl Spirit Sant, ²⁰y insignedi da osservè döt ci ch' i ves à dè sö. Ciarede: Iö sun cun os, düc i dis cina ala fin dl monn.




Atlamaziun

DLA DOMÈNIA

Alleluia. Alleluia. Jide da düc i popui, fajede fora de düc mi discepui. Iö sun cun os düc i dis cina ala fin dl monn. Alleluia.

📖 *Letöres dla GRAN FESTA DE PASCA DE MA:*
St.Ap 2, 1–11 | 1 Cor 12, 3b–7.12–13 | Jan 20, 19–23

Edema liturgica dai 24.05. ai 31.05.2020

2020	Ora	Mëssa
7^a DOMENIA 24.05 DE PASCA ASCENSIUN DE GEJU AL CIL <i>oferta por la dlijia</i>	9.30	Corona Gran Mëssa por la comunité fam. Eduard Winkler (rengraziamënt) fam. Pepi Dejaco families Bino Erlacher aniv. Teresa Ferdigg aniv. Florian Piazza aniv. + Sepl Moling aniv. Andreas Feichter + Alfred Winkler
LÖNESC 25.05		<i>i lönesc degöna Mëssa</i>
MERTESC 26.05 <i>s. Pilipo Neri</i>		
MERCUI 27.05	7.30	s. Mëssa + siur Merch Graffonara + Alfred Winkler
JÖBIA 28.05		
VENDRES 29.05 <i>ss. Sisinius, Martyrius,</i> <i>Alexander, dl Nonsberg</i>	7.30	s. Mëssa aniv. + Emma Gehrig + Lois Prousch
SABEDA 30.05 <i>beat Otto Neururer,</i> <i>s. Paul VI, papa</i>	18.00	s. Mëssa prefestia ++ Carlo y Milia Devall + Regina Clara ++ Zenz y Iule Sottrovisch
PASCA DE MA 31.05 <i>Festa dl Spirit Sant</i>	9.30 10.00	Corona a onur dl Spirit Sant Gran Mëssa a onur del Spirit Sant por la comunité fam. Eduard Winkler (rengraziamënt) fam. Bernhard Ellecosta aniv. + Amalia Deiacò ++ Milio y Milia Tasser + Vijo Alfreider



Informaziuns y terminns

Dai 18 de má inant pol indô gní zelebré s.mësses te dlijia cun i fedei, mo cun tröpes prescriziuns. I orun respetè les prescriziuns, por che le virus ne pois nia indô se slarié fora:

- i jun te dlijia un al iade, se dejinfetun les mans y tignun na destanza de 1,5 mt un dal ater; le nes y la bocia é coris da na mascherina ch'i tignun vistida tratan döta la mëssa/funziun;

- tles proches él scrit dant n meter de destanza da öna na porsona al'atra, porchël se sentunse ti posé amarsciá; porsones de na medema familia pó se senté adöm y fá plëna la proca;

- da jí ala Comuniun tignunse na destanza de 1,5 m dal'atra porsona;

- ince da jí fora de dlijia stunse 1,5 m dalunc dai atri y i ne stun nia te grups sön plaza dan dlijia;

- porsones che á na temperatöra dl corp plü alta co $37,5^{\circ}$ o che á albü contat cun porsones infetades ne pó nia jí te dlijia.



Co van pa ala Comuniun? Al e 2 porsones por proca. Al va na proca ala ota.

La pröma porsona vëgn fora, va valgügn vari zoruch, al vëgn dô la secunda, va ala comuniun y va te so post, spo va la pröma porsona ala Comunin y te so post.

Da ji te dlijia ocupeiu les proches dainsom injö, banch por banch, cina che la dlijia é plena. Le pröm che va te proca va ite insom. I dis da laur, ocupeiu ince les proches da sö insom injö. Scenó ne san nia cares che mess gni desinfetades.

Tla dlijia d'Antermëa ál lerch ca 45 porsones. Les mësses pó gní acompagnades dal sonn dl orghe y da n cantor, mo nia dal cor de dlijia; i libri tles proches é gnüs tuc demez y le boché dal'ega santa resta öt; do vigni mëssa o funziun vëgn la dlijia dejinfetada y al vëgn lascé ite aria frësca. La dlijia resta daverta ia por le de por l'oraziun personala de vignöna y vignun.


Chiche ne á nia lerch te dlijia, é inviá a to pert ala Mëssa defora (rondanel).



MAX. 45


Uniun dles ëres/ëi – FESTA DI IUBILARS – en chësc ann ne vara nia da festejë i iubilars de matrimone en la festa dla SS.Trinité. La festa gnará sborlada a da d’altonn cun na data ciamó da definí. Deache al è por gauja de privacy problems da abiné adöm dai comuns i dac di përs che festejëia en chësc ann le iubileum de 15, 20, 25, 30 y i.i. de matrimone, è düc i pers che è interessá a tó pert ala festa, perιά da se anunzié pro Giovanna Rubatscher o Pamela Palfrader.

COMUN - Ince sce i ofizi de Comun è indô daverc al publich, vëgn düc inviá denanco jí te Comun da telefoné naota o da scri na e-mail, por odëi sce chi che ai adora è bëgn ince söl post de laur, por odëi sce ara va magari da tlarí la chestiun ince sënza messëi passé instësc o por fá fora n eventual apuntamënt. I locai y porti de comun è plülere strënc, porchël él rî da tigní ite les destanzes scrites dant y an mëss ciaré da evité che al sides deplü porsones t’en iade te Comun.



La festa dl’Ascensiun de Gejú al cil nes deslëria l’orizont y nes recorda, che al esist deplü co ci ch’i odun. Mo da ne perde nia le contat cun la tera, chësc nes amonësc la storia di apostui: “Os ëi dla Galilea, ci stëis pa intoronn y ciarëis a cil?” damana i dui ëi te guanc blanc ai apostui (1,11a). Sciöche cristians ne sunse nia n “Hans guck in die Luft“, che ne o nia capí, ci desfides che al á dan i pisc, deache al somiëia de mius tëmps. Avisá l’contrar. Sciöche cristian sunse na porsona, che sta cun entrami i pisc tla vita, deache i sa che l’cil y cun chësc le divin ne è nia da chirí nzai tles neores, mo te me instëss.

Mësses a Rina:	Dom 8.30	Jöb 7.30	Dom 8.30
Mësses a San Martin:	Dom 9.30	Dedol. 19.30	Jöb 7.30 Sab 18.30 Dom 9.30

	30.05.2020	Matthias Piazza
	31.05.2020	Martina Rubatscher

Impressum:

Comunicaziuns:

Download:

Ploania Antermëia - redaziun Carlo Piazza

cina la jöbia sëra a carlo.piazza@hotmail.com | 0474 520044 o 3803520465

www.unitepastorala.org | www.comun.sanmartindetor.bz.it